

“DIE BLINKKLIPPIE”

WEEKLIKSE NUUSBRIEF VAN GEREFORMEERDE KERK POSTMASBURG
(Jaargang 19 - nr. 39.)



"Die Woord het mens geword en onder ons kom woon. Ons het sy heerlijkheid gesien, die heerlijkheid wat Hy as die enigste Seun van die Vader het, vol genade en waarheid."

Johannes 1:14

29 September 2019

HARTLIK WELKOM!

Dit is waarlik 'n voorreg om weer vanoggend as gemeente saam die Here te kan dien.

EREDIENS VANOGGEND: Dr. Petrus Venter

Voorsang:

Ps.118 :1,2

Ontmoetingsdiens:

Votum en seën

Sing: Ps. 104:1,10,14

Belydenis van geloof

Verootmoediging- en versoeningsdiens:

Wet

Sing: Ps. 40:4

Gebed

Woorddiens:

Sing: Ps. 102:1,4

Skriflesing: Psalm 4

Teks: Psalm 4:9

Preektema:

Om meteens aan die slaap te mag raak ...

Sing: Ps. 4:2,4

Leerprediking:

Heidelbergse Kategismus: Sondag 5

Tema- Soek en julle sal vind

Antwoorddiens:

Liefdesdiens kollekte: In die banke- DVB

By die deure- Sustentatie Klassis

Sing: Ps.9:5,12,15

Wegsturseën

Preeksketse

Psalm 4

Ons stel onself voor 'n dag waarop Dawid dit deur die dag baie swaar gehad het. Dit word nou donker en vir hulle wat swaarkry is die nag gewoonlik nog donkerder. Nou is dit so aangrypend as die donkerte van 'n nuwe nag op Dawid wag, hoe hy die digte sluier van 'n donker nag wat ook oor sy hart kan kruip, van hom oplig.

As ek dan nie op die Here vertrou nie, op Wie anders kan ek vertrou. Dan besef ons Dawid se vertroue is nie uit die lug gegryp nie. Die God op Wie Hy vertrou noem hy *o God van my geregtigheid*. Geregtigheid (die Hebreeuse *sedeq*) is so 'n ryke en sterk term. Geen reg is daar wat God se reg aan gemeet kan word nie. Geregtigheid impliseer ook daar is 'n verhouding wat reg moet wees. Geregtigheid impliseer immers 'n verhouding.

Sondag 5 Heidelbergse Kategismus

Die gedeelte wat Sondag 5 ons mee inlei is dat die mens 'n soekende mens geword het. 'n Soeke na verlossing, 'n soeke na 'n Verlosser is waaroor dit in Sondag 5 oor handel. Nou kan ons hierdie soeke wel ook met 'n wonderlike troos begin. Die Kategismus wat in alles altyd 'n troosboek wil wees. Die troos wat ons uit God se Woord kan haal is dat wie soek sal vind.

KOLLEKTES

Vandag: 29 September 2019

- In die banke: **Diens van barmhartigheid** By die deure: **Sustentasië Klassis**

Sondag: 6 Oktober 2019

- In die banke: **Dorka Susters** By die deure: **Teologiese Skool Publikasies**

WYK - DIENSBEURT

Vandag – 29 Sept 2019 – **Wyk 2**

- **Ouderling:** Br. Arthur Williams
- **Diaken:** Br. Lourens Pretorius
- **Wyksusters:** Sr. Annelie Williams

Volgende week – 6 Okt 2019 - **Wyk 3**

- **Ouderling:** Br. Andre Erasmus
- **Diaken:** Br. Viljoen vd Walt
- **Wyksusters:** Sr. Lientjie vd Walt

MEELEWING

- Ons dink in ons gebede aan sr. Marie Fourie wat verdere chemo behandeling ontvang het.
- Ons is dankbaar dat sr Cecile de Kock in George met haar hand en pols gehelp kon word. Ons vertrou dat sy nou van krag tot krag mag gaan in dit waartoe sy so graag haar hande wil gebruik.
- Ons dink aan br Wolf Reinecke snr (oom Wolf) wat ongestel is met brongitis.

VERJAARSDAE

Maandag 14 Okt Jngsr. Janelle Viljoen

Woensdag 16 Okt Br. Kobus Swiegers

Donderdag 17 Okt Br. Franco Viljoen

Mag u 'n geseënde nuwe lewensjaar ingaan met die volle oortuiging dat ons tye is in die Here se hande.

ALGEMENE KERKNUUS

GKSA NUUSBROKKIES

Gaan laai gerus nuusbrokkies van ons webwerf af. Die jongste beroepenuus en vele meer is daarop beskikbaar soos weekliks aan ons deurgestuur. U kan dit van ons webwerf aflaai by: <http://bit.ly/2SxThy0> Die laaste weke het daar nie hierdie brokkies verskyn nie. Dr. Wymie du Plessis wat dit versorg is met 'n oorsese vakansie. Sy het ook daar oorsee teëspoed opgetel en laaste wat ons van haar gehoor het, was sy in Wene in hospitaal. Ons vertrou dat sy spoedig sal herstel).

BEROEPE ONTVANG: Ds. LJ Venter van Kimberley na Centurion as medeleraar.

BEROEPE AANVAAR:

LYKSVERBRANDING- WAAROM NIE?!

Die GKSA het 'n Sinodebesluit wat die praktyk van verassing (kremasie) afwys. Gaan lees asb. weer daardie besluit met ook ander studiestukke op ons webwerf wat die praktyk van lyksverbranding (verassing) hanteer. Mag u en u families weer daarvoor herbesin as u dalk sou oorweeg dat by u sterwe daar op die wyse met u liggaam gehandel moet word. Dit alles kan gelees word by <http://bit.ly/2L0K5QD>

PRETORIA FM UITSENDINGS – MAAK MY U WEË BEKEND

Die program wat dr. Petrus vanaf 8 Sept. tot einde Oktober op die senders van Pretoria FM saam met dr. Gerard Meijer bepaalde bydraes lewer word op Sondag om 17h00 uitgesaai. Luisteraars kan in Postmasburg en in die grense van ons gemeente inskakel op TV oudiokanaal 887. Dit is die enigste wyse wat ons hier na die programme sal kan luister.

KATEGESE

Al die werk en ons roosters is op ons webwerf onder katekisasie gelaai. U kan dit aflaai by

<http://bit.ly/2KhypYe>

Laerskool-klasse vind Sondae na die ereediens by die kerk plaas.

Alle Hoërskool katekese en volwasse-katekese gaan ook voort.

Die Voor-belydenisklas vind Sondae 'n kwartier na die ereediens plaas.

Ons Belydenisklas en ook volwasse katekese klasse vind Maandae-midae plaas. Reëlings met die groepe sal steeds deur WhatsApp via ons kerkgroep deurgegee word.

DIAKENS

DORKAS- SUSTERS

Huis Jan Vorster-mandjie – Toiletware vir ons inwoners in HJV kan in die groen mandjie voor in die portaal geplaas word. Hulle ondervind die laaste tyd veral 'n tekort aan **doeke, Prep en aqueous room**. Die inwoners het ook hulle hartlike dank uitgespreek vir dit wat alreeds geskenk is.

BYBELSTUDIE

Bybelstudie Dinsdag 10h00: Oggendgroep

Bybelstudie Dinsdag 18h30 Aandgroep

Ons gaan voort met die reeks rondom die gebede uit God se Woord.

DOPPER KOMBUIS

Kom kuier gesellig saam in ons tee-drink lokaal na die ereediens.

GEMEENTEKAMP

Merk die datum: 3 tot 5 April 2020

STEAK-ETE

Volgende steak-ete is 4 Oktober 2019 aangebied deur wyke 1- 4. Die Susters in Wyke 1-4 se hulp word benodig met die voorbereiding van die slaaie en die skep van slaaie en bak van die pannekoek. Skakel asb. julle wyksuster.

VOERTUIG TE KOOP

Die Kerkraad het besluit om ons gemeentervoertuig, 2008 Toyota Hilux 2.7 Petrol D/C VVTI 4x2 183 000km, te koop aan te bied. Die bakkie sal deur 'n tenderproses verkoop word. As u die bakkie wil koop kan u die bedrag wat u aanbied skriftelik by die Kerkkantoor inhandig of u aanbod per epos na admin@gksa-postmasburg.co.za stuur. Ons aanvaar die voertuig sal binnekort in wyer verband geadverteer word as niemand in die gemeente dit tot nou wou aankoop nie?

KERMIS

Daar is nog **baie rouveis en wors beskikbaar** by die kerkkantoor vir verkope!!!

OMGEWINGSPITKOS

Met al die ongunstige klimaats en omgewingsveranderinge vir mens, plant en dier se welstand wat nou so ooglopend toeneem, is dit belangrik om te onthou dat dit alles nie by toeval of ongeluk geskied nie maar uit Sy vaderlike hand ons toekom. Ja, beide reën en droogte en ander goed en kwaad staan onder Sy alwyse voorsienigheid. Daardie krag van God wat oral in die skepping werksaam is en almal en alles met wysheid en gesag onderhou. Mag ons deur beproewings in die geloof versterk word. Hy kan die goeie uit die kwade laat voortkom en so Sy raad daarmee volbring.

Put maar uit die mooi en baie betekenisvolle belydenis van Dawid (Ps 31:16) : My tye is in U hand.

HUISBESOEK DEUR DIE PREDIKANT EN TYE VAN AFWESIGHEID

In September wil die predikant graag wyke 3 en 4 besoek. Hy sal u kontak om afsprake vas te maak.

Dr. Venter is deur Helpende Hand in samewerking met Solidariteit genader om 9 -11 Okt. 2019 in Pretoria te wees. Hulle sal die vliegkoste dra. Op Krugerdag 10 Okt. moet hy ook met die feesverrigtinge in Paul Krugerkerk 'n "erediens" lei op versoek van die Krugergenootskap as deel van die Solidariteit-inisiatief. Op 15 Okt. moet hy weer in Pretoria wees vir 'n Deputate vergadering wat die Ekumenies Binnelands deputate belê het vir gesprekke met die AP Kerk en VGKSA en ons deputate se jaarlikse voorbereidende vergadering rondom beplanning vir 2020.

HUISBESOEKE DEUR DIE OUDERLINGE

VERGADERINGS:

Volgende kerkraadsvergadering vind DV 20 Nov. 2019 plaas.

Verslag van die Finansiële Kommissie

Van die kommissie se kant af wil ons u graag bedank vir u bydraes en ons doen 'n beroep op lidmate om so vol te hou. U is welkom om met enige lid van die finansiële kommissie te skakel indien u navrae het

KERKLIKE GEGEWENS

Gereformeerde Kerk Postmasburg
Posbus 74 Postmasburg
E-pos: admin@gksa-postmasburg.co.za
Tel: 053 313 3710
Landlyn Pastorie: Tel: 053 313 0571
Kerkkantoor ure: Maandae tot Vrydae 09h00 - 13h00

Predikant	Dr. Petrus Venter	084 704 2348	ds@gksa-postmasburg.co.za
Skriba	Oudl. Albertus Viljoen	082 808 4168	skriba@gksa-postmasburg.co.za
Admin Beampte	Sr. Koos Fick	082 821 2736	admin@gksa-postmasburg.co.za
Voorsitter: Diakonie	Diak.Dawie Schoeman	082 782 2537	dawie@xmedia.co.za
Koster			
Orrelis			
Kassiere	Oudl. Lukas Potgieter	079 695 0555	lukaskathu@gmail.com

Ons gemeente se webwerf en facebook-blad is soos volg:

<http://www.gkpostmasburg.weebly.com>

<http://bit.ly/2Ydk7wK>

STATISTIEKE VORIGE SONDAG

Erediens bywoning	37
Bydrae: Teologiese Studente Kas	R 1 132.00
Bydrae: Diens van barmhartigheid	R 1 153.50

GEREFORMEERDE KERK BANKBESONDERHEDE – ALLE REKENINGE BY ABSA

Rekening	Rekeningnommer
Alle bydraes (Dankoffers)	2130-3400-35
Diakonie	2130-28-0008
Dorkas-susters	407-382-6782
Kermisinbetalings	90-9779-4784
Steak-ete inbetalings	91-4771-8016

Berigte vir Blinkklippie moet asseblief teen **Woensdag 16h00** per e-pos gestuur word na admin@gksa-postmasburg.co.za